



Վազնո Սիրադեղյան

Հակառակ մեր կամքին՝ Մեղրին մնաց ՀՀ կազմում

Ալիելը առյուծի սիրտ չէր կերել, որ առանց Վաշինգտոնի ու Մոսկվայի համաձայնությունը առնելու բացահայտեր չորս տարի խիստ գաղտնի պահած բանակցությունների բուն էությունը Ջանգեգուրի փոխանակությունը Ղարաբաղի հետ:

Ընդ որում, դա գաղտնիքն էր ոչ միայն Հայաստանի ու Ադրբեջանի, այլև երեք այլ պետությունների համար: Երրորդը Ֆրանսիան, դնենք մի կողմ, Ամերիկայի եւ Ռուսաստանի նման պետությունների դիվանագիտական գաղտնիքը բացահայտել չի համարձակվի անգամ Հայաստանի իքի-բիր իշխանությունը, ինչ մնաց թե այդպիսի բան իրեն թույլ տար Ալիելի նման պետական գործիչը:

Այնպես որ, Ալիելը բացահայտեց Մեղրու գործարքը արտոնություն ստանալով միայն: Մեծ քաղաքականության մեջ այլ տարբերակ պարզապես բացառվում է: Իսկ արտոնություն ստացավ, որովհետև դա արդեն գաղտնիք չէր: Իսկ դադարեց գաղտնիք լինել, քանի որ տարածքների փոխանակման տարբերակի վրա վերջնականապես խաչ քաշվեց, ըստ երեւույթին, Մոսկվայում Պուտին-Բուշ հանդիպմանը: Եւ պատահական չէր, որ Ալիելի բացահայտումը հետեւեց Բուշի եւ Պուտինի հանդիպմանը:

Իսկ երկու նախագահները Հարավային Կովկասի հարցում համաձայնության եկան, որ տարածաշրջանում 'հրաժարվում են շահերի հակադրումից', որ 'երաշխավորում են Հարավային Կովկասի պետությունների պետական սուվերենությունը', որ 'Էներգակիրների արդյունահանման գործում երկու երկրները համագործակցում են տարածաշրջանում եւ այլ ռեգիոններում (կարդա

ապագայում նաեւ Իրաքում) եւ պնդում են էներգակիրների տեղափոխման
'տարողայնության անհրաժեշտությունը':

Մեր մասով սրանից հետեւում է, որ Արեւմուտքը վերջնականապէս ձեռ է քաշում
Նախիջեւանը Ադրբեջանին միացնելու մտադրությունից դրանից բխող
ՆԱՏՕ-ական ուղղակի ելքից դեպի Կասպից ծով (դրա կարիքը հիմա չկա
Ուզբեկստանում հաստատվելուց հետո, իսկ Թուրքիա-Կենտրոնական Ասիա
կապը իրականանում է վրացական երկաթուղու միջոցով), իսկ Ռուսաստանը
միանում է Բաքու-Չեյիան նավթամուղի նախագծին: Եւ ընդհանրապէս,
Արագդայան երկաթուղին հրատապ էր, քանի դեռ առիթ չկար, որ Ամերիկան
անցներ Իրանի եւ Կասպից ծովի թիկունքը:

Ես նույնիսկ կասկած ունեմ, որ Հոբի ծրագիրը էն գլխից կեղծ ապակողմնորոշող
ծրագիր է եղել Արեւմուտքի համար: Ինչեւէ, սեպտեմբերի 11-ից հետո այդ
երկաթուղին ինչ-որ նշանակություն ունի միայն Հայաստանի եւ Նախիջեւանի
Ինքնավար Հանրապետության համար: Իսկ Ադրբեջանի համար էական
նշանակություն ոչ ունեցել է, ոչ էլ կունենա, որպեսզի դրա համար տարածքի
կամ կարգավիճակի գիշման գնա: Ադրբեջանին Մեղրու հողն է պետք, ոչ թե
երկաթգծով անցնել-դառնալը, ինչպէս իրենց ապուշի տեղ դրած փորձում են մեզ
հավատացնել ումանք: Մեղրու երկաթգծի համարժեքը ոչ թե Լաչինի միջանցքն է
նրանց համար, այլ Ղազախ-Իջեւան երկաթուղին, որոնք կբացվեն
գուգահեռաբար, երբ կնքվի խաղաղությունը:

Ալիեւը մի հարցում է ստում... որ Քոչարյանը հրաժարվել է Մեղրին տալուց: Այդ
բանը արգելել են Ռուսաստանն ու Իրանը: Իսկ Չանգեզուրի վրայով,
Նախիջեւանով Թուրքիայի սահմանը դուրս գալն ու երկիրը միաժամանակ
Ռուսաստանից եւ Իրանից վնասագերծելը եղել է Ադրբեջանի ողջ 20-րդ դարի
'տեսլականը', ինչին, իհարկե, Ալիեւը չէր հավատում, որովհետեւ երեկվա թուլեն
չէր քաղաքականության մեջ:

Բայց եռանախագահողների իրար փոխող դաստանների 'մուղամբագությանը'
դամ էր պահում փորձառու քաղաքական գործչի տոկունությամբ հանկարծ ու
մեկ տոկոս հնարավորություն ծագեր, եւ իրականանար ադրբեջանցիների այդ
ֆանտաստիկ մուրազը: Այդպիսի բախտորոշ հնարավորություն որեւէ ազգի,

որել է պետության կյանքում 500 տարին մեկ բաժին ընկնում կամ չի ընկնում:
Ղարաբաղի տարածքը Ադրբեջանի համար քոռ կոպեկի արժեք չունի Մեղրու
թեկուզ եւ 10 կիլոմետր լայնքով շերտի դիմաց:

Դրանով ոչ թե Ղարաբաղի հարցն էր լուծվում, այլ Ադրբեջանի մեծ ապագայի:
Միաժամանակ լուծվում էր Իրանի 'հարցը': Նաեւ մեկընդմիշտ իրարից
մեկուսանում էին Ադրբեջանի երկու անբարիշտ հարեւանները Իրանն ու
Հայաստանը: Այնպես որ, Ադրբեջանի ընդդիմությունը ձեւեր է թափում, թե դժգոհ
է Ալիեւի բանակցություններից: Կամ հայերիս են հիմարի տեղ դրել եւ, կարծես
թե, մոտ են համոզելուն, թե իրենց դժգոհությունը նրանից է, որ շատ տարածք
տալով քիչն են ստանում: Յանքն թե Հայրենիքի հողն էլ պիտի փոխանակվի
բաղրիջանի մարգի նման... քառակուսի մետրով, բաշ նա բաշ: Թե այդպես են
թաքցնում իրենց հրճվանքը: Բայց տարածաշրջանը մեծ պատերազմի մեջ
ներքաշելու գնով անգամ Իրանը կկանխեր իր հյուսիսային սահմանին կախված
սահելի այդ վտանգը:

Այդ բանը լավ էին հասկանում Ամերիկայում, եւ երբ ֆրանսիացիները հարց
չորոշողի թեթեւամիտ անպատասխանատվությամբ Ալիեւին եւ Քոչարյանին
առան թռան Քի Վեսթ, ամերիկյան կողմը առաջին հայացքից երկրորդական
կարգի մի դիտողություն արեց Իրանին գործին մասնակից դարձնելու մասին,
որը, փաստորեն, ամերիկյան կողմի գլխավոր հարցն էր ուղղված
հայ-ֆրանս-ադրբեջանական վոյաժի մասնակիցներին . 'Իսկ Իրանի կարծիքը
հարցրել եք, որ խաղեր եք տալիս նրա սահմաններին': Իսկ ամենագլխավոր
հարցը այն մասին, թե Ռուսաստանը երաշխիք տալիս է, որ Իրանի
կանխատեսելի գործողություններին ի պատասխան, Թուրքիայի կողմից
ռազմական գործողություններ սկսելու անխուսափելիության դեպքում
Ռուսաստանը չի ներքաշվի պատերազմի մեջ,-այս հարցը տալու
անհրաժեշտություն էլ չկար: Իգուր է Ռուսաստանի ռազմական
հետախուզության նախկին պետը այնպես 'կպել' եռանախագահողների
ներկայացուցիչներին, որ Ռուսաստանի բուն ներկայացուցչի անունն ենք
մոռանում:

Ըստ Էության, Մեղրու հարցը (Փարիզի սկզբունքներ) փակվել էր արդեն Քի Վեսթում, բայց վերջնականապես ջրվեց մայիսին Մոսկվայում: Իսկ հիմա Քոչարյանին մնում է մի բան պահել իշխանությունը: Պահի ինչ անի: Իսկ չպահի ինչ անի: '27'-ի գործը հիմա վերստին դառնում է նրա համար խիստ վտանգավոր: Եթե Մեղրու հարցը մնացած լիներ օրակարգում (այսինքն գործելու պլան ունենար), նա կանցներ թե '27'-ի, թե նորանոր արյան լճերով, բայց հիմա պիտի գործի առանց ներքին համոզմունքի:

Դա նրան պակաս վտանգավոր չի դարձնում, բայց դարձնում է թույլ, իսկ անհավասարակշիռ դարձավ Ամերիկայից վերադառնալով: Միտինգները չէ, որ դարձրել են նրան անհավասարակշիռ, ու, հետեւաբար, շատախոս, այլ Հայաստանի մի մասը Ղարաբաղի հետ փոխանակելու ծրագրի վերջնական տապալումից հետո վրա հասած անելանելիությունը: Իսկ սոսկ իշխանությունը պահելու խնդիրը Ստեփանակերտի հրետանակոծության տակ ապրած մարդու գլխի համար բարդ խնդիր է: Եւ որքան էլ հակամարդասիրական հնչի ասածս (վերջին հաշվով, հիվանդանոցում չենք), իսկը պահն է, որ ընդդիմությունը դադար չտա նրան եւ անընդհատ դրդի քայլերի (նա հիմա իմաստալից քայլ չունի): Սա փոքր-ինչ վտանգավոր է, բայց ավելի վտանգավորը այն է, երբ նրա 'Ֆազը' ինքնիրեն է գցում, ընդդիմախոսների եւ ժողովրդի համար տարածած եւ անսպասելի: Վզից կախված '27'-ը նրան, այո, դարձնում է վտանգավոր, բայց անելիք չունենալը դարձնում է նույնքան խոցելի: Չորս տարի առաջ նա իշխանության տիրացավ իր անելիքը իմանալով, հստակ նպատակ ունենալով Ղարաբաղը փոխանակել Ջանգեզուրի մի մասի հետ: Որ մասի-ահա այս մասին է եղել չորս տարվա բանակցությունը: Նա, անշուշտ, չէր կարող կասկածներ չունենալ, որ հնարավոր է նաեւ, որ փոխանակումը չստացվի:

Բայց այստեղ նրան գորավիզ եղավ հայոց ավանդական ավանտյուրիզմը իր կուսակցական, հայրենակցական, հասարակական ինստիտուտներով: Այդպիսի թիկունք ունենալով կարելի էր նաեւ փորձել կստացվի-կստացվի, չի ստացվի... Բայց եթե ստացվեր, չէ որ դա Ղարաբաղի համար (ոչ Հայաստանի, ոչ հայության) իսկապես լուծում էր: Իսկ որ չստացվեց... Հիմա ով է մեղադրում Դաշնակցությանը 15 թվականի ցեղասպանության համար: Հրեն, թուրքերը կան, մեղադրում ենք, էլի: Տարիներ հետո կմեղադրենք Ադրբեջանին, որ սկսեց

Սումգայիթով: Եթե Սումգայիթը չլիներ, այդքան չէինք հերստտի, այդքան չհերստտեինք պատերազմ չէր սկսվի: Պատերազմ չլիներ... Մի խոսքով, եթե Սումգայիթի գենոցիդը չլիներ, Ղարաբաղը չէինք կորցնի: Սումգայիթին նախորդած բաները, իհարկե, մոռացության կտանք: Ընդմիջտ:

Քոչարյանը բազմաթիվ արատներ ու պակասություններ ունի, բայց զգուշավոր է, եւ նա իշխանություն չէր գավթի չունենալով տարածքների փոխանակման ծրագիրը ու որոշակի խոստումներ Ալիևի եւ անհասցե-անդեմ Եվրոպայի կողմից: (Քիսինջերը ասում է ՝ Որ ասում եք Եվրոպա... Եթե ես ուզում եմ մի բանի շուրջ պայմանավորվել Եվրոպայի հետ, որ համարով զանգեմ):

Քոչարյանը այդ ծրագիրը իրագործելու վճռականությամբ էլ 'հաղթող' դուրս եկավ Վազգեն Սարգսյանի ու Դեմիրճյանի հետ պայքարում, ովքեր, հասկանալի է, որ ունենալ չէին կարող այդպիսի ծրագիր, իսկ այլ ծրագիր չունեին, բացի սպասումը: Սպասումը, որ բթացնում է վտանգի զգացողությունը: Այդպիսի սպասողական, Ղարաբաղի հարցում երկմտանքի վիճակում էր հայտնվել Տեր-Պետրոսյանը դեռ 96 թվականի աշնանը (ոչ ընտրությունների պատճառով, գրողը տանի, ոչ ընտրությունների պատճառով) եւ հետագա մեկ տարվա մտածմունքների մեջ էլ իշխանությունը ակամա հանձնում էր Վազգենին ու դարաբաղցիներին, ովքեր ոչ մի կասկած չունեին . Վազգենը չէր կասկածում, որ գիջումներ պետք չեն, դարաբաղցիք հոգու խորքում փայփայում էին Մեղրու իրենց համար անկասկածելի տարբերակը: Եւ երբ Տեր-Պետրոսյանը վերջապես որոշում ընդունեց եւ գրեց 'Պատերազմ թե խաղաղություն' հոդվածը (հրաժարականից ամիսներ առաջ), այդ պահին, փաստորեն, արդեն իշխանություն չունեին:

Ի տարբերություն Տեր-Պետրոսյանի, որի ծրագիրը կասեցվեց հիմնականում ներհայկական շարժառիթներով, Քոչարյանի ծրագիրն ու քաղաքականությունը տապալվեցին (ինչպես եւ պետք էր սպասել) արտաքին քաղաքական օբյեկտիվ զարգացումների թելադրանքով: Արտաքին, որը չնչին երկրների համար միշտ էլ որոշիչ գործոն է: Բարեբախտությունն այն է, որ ապրում ենք 21-րդ դարում, երբ կոնֆլիկտային շրջանների իրադարձություններին լուրջ երկրների դիվանագիտական արձագանքը հեռուստատեսության եւ 'տոմոգավկների'

շնորհիվ գործում է անմիջապես: Եւ ի տարբերություն 19-րդ դարավերջի ու 20-ի սկզբի, երբ ‘անգլիական նավերը չկարողացան բարձրանալ հայկական լեռները’ եւ մեզ մենակ թողեցին մեր հիմարության հետ, այս դարում այդպես չստացվեց, եւ Ջանգեզուրը, մեր կամքին ու մեր խելքին հակառակ, մնաց Հայաստանի կազմում:

«Գյաղաների ժամանակը» գրքից